

**OBAVIJEST O ODRŽAVANJU NAKNADNOG UPISNOG ROKA ZA POLAGANJE  
PRIJEMNOG ISPITA ZA UPIS U 1. GODINU INTEGRIRANOG STUDIJA MEDICINA  
NA MEDICINSKOM FAKULTETU UNIVERZITETA U SARAJEVU ZA STUDIJSKU  
2017/2018. GODINU**

U skladu sa Konkursom Univerziteta u Sarajevu, objavljenom 22.06.2017. godine i Planom upisa Univerziteta u Sarajevu, Medicinski fakultet Univerziteta u Sarajevu o b j a v l j u j e

da u skladu sa Planom upisa Univerziteta u Sarajevu, u prvu godinu studija studijske 2017/2018. godine u naknadnom upisnom roku za polaganje prijemnog upisuje

**6 redovnih studenata (čije troškove školovanja snosi budžet Kantona Sarajevo) i 70 redovnih samofinansirajućih studenata.**

Naknadni prijemni ispit održat će se u **srijedu, 06.09.2017. godine sa početkom u 8,00 sati** u amfiteatrima Medicinskog fakulteta Univerziteta u Sarajevu. Tačan raspored polaganja po amfiteatrima bit će naknadno objavljen.

Za prijavu na konkurs kandidati su dužni priložiti dokumente iz Općih odredbi Konkursa Univerziteta u Sarajevu i to:

1. Zahtjev za upis (*preuzima se sa web stranice Fakulteta [http://www.mf.unsa.ba/podaci/upis/2017/Prijavni\\_obrazac.pdf](http://www.mf.unsa.ba/podaci/upis/2017/Prijavni_obrazac.pdf) ili na šalterima Službe za nastavu i naučno-istraživački rad*),
2. Uplatnica (o uplati 100,00 KM – materijani troškovi prijemnog ispita)
3. Originalna svjedočanstva o završenim razredima srednje škole završene u BiH u četverogodišnjem trajanju, odnosno odgovarajuće nostrificirane dokumente za kandidate koji srednju školu nisu završili u BiH.  
(*Ukoliko su dokumenti u postupku nostrifikacije, isti se prilažu prevedeni i od strane sudskog tumača ovjereni. Ovi kandidati mogu predati dokumente, sa obavezom da dokument o nostrifikaciji predaju prije upisa na Fakultet. Federalno ministarstvo obrazovanja i nauke vrši nostrifikaciju/ekvivalenciju obrazovnih isprava. Vise informacija na linku: <http://www.fmon.gov.ba/Nostrifikacija/Index>*)
4. Originalnu diplomu o završenoj srednjoj školi  
(*Strani studenti i ovjeren prijevod*)
5. Izvod iz matične knjige rođenih (ovjerenena kopija)  
(*Strani studenti i ovjeren prijevod*)
6. Uvjerenje o državljanstvu (original/ovjerenena kopija)  
(*Strani studenti i ovjeren prijevod*)
7. Druge dokumente relevantne za utvrđivanje broja bodova po kriterijima utvrđenim u Konkursu Univerziteta u Sarajevu za upis u akademsku 2017/18. godinu.

Prijave za naknadni termin polaganja prijemnog ispita akademske 2017/18. godine primat će se **od 24. 07. do 24. 08. 2017. godine (do 15,00 sati).**

**Važna napomena: zbog korištenja kolektivnog godišnjeg odmora, prijave se u periodu od 29. 07. do 22. 08. 2017. godine mogu predati isključivo putem (preporučene) pošte na adresu:**

**MEDICINSKI FAKULTET UNIVERZITETA U SARAJEVU**

**ČEKALUŠA 90, 71000 SARAJEVO**

**SA NAZNAKOM: PRIJAVA ZA POLAGANJE PRIJEMNOG ISPITA**

Kandidati koji nisu zadovoljili na prvom julskom prijemnom ispitu, a koji se odluče za ponovno polaganje prijemnog ispitnog roka dužni su ponovno predati Zahtjev za upis (preuzima se sa web stranice Fakulteta) i uplatnicu od 100,00 KM na ime troškova prijemnog ispita.

Nepotpune i neblagovremene prijave, kao i prijave upućene putem e-maila ili faksa, neće se uzimati u razmatranje.

**Preliminarna rang lista kandidata objavit će se na Oglasnoj ploči Fakulteta u petak, 08. 09. 2017. godine, od kada počinje teći žalbeni rok od tri dana.**

Kandidati koji imaju prigovor na bodovanje svoga testa, mogu izjaviti žalbu u pisanoj formi, isključivo putem Protokola Fakulteta, navodeći tačno oblast na koju se žale, u roku od tri dana **(do ponedjeljka, 11. 09. 2017. do 15,00).** **Komisija za žalbe razmatrat će pristigle žalbe u utorak, 12. 09. 2017. godine u 9,00 sati,** kada i kandidati koji su izjavili žalbu trebaju biti lično prisutni (sa ovjerenim duplikatom svog urađenog testa).

**Konačna rang lista će biti oglašena na Oglasnoj ploči Fakulteta u srijedu 13. 09. 2017. godine.**

Prilikom bodovanja, kandidata u cjelosti će se provoditi Odluka Univerziteta u Sarajevu o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2017/2018. godini.

[http://unsa.ba/s/index.php?option=com\\_content&task=view&id=3188&Itemid=460](http://unsa.ba/s/index.php?option=com_content&task=view&id=3188&Itemid=460)

Prijemni ispit sastoji se iz testa sa 100 pitanja iz oblasti Biologija, Hemija i Fizika.

**Kandidat je položio prijemni ispit samo ukoliko je ostvario najmanje 50% bodova predviđenih za svaku od tri oblasti testiranja, u suprotnom kandidat nije položio prijemni ispit.**

RANGIRANJE KANDIDATA ZA UPIS U PRVU GODINU STUDIJA NA MEDICINSKOM  
FAKULTETU VRŠIT ĆE SE NA OSNOVU:

1. OPĆEG USPJEHA
2. USPJEHA IZ PREDMETA MATERNJI JEZIK, BIOLOGIJA, FIZIKA I HEMIJA (SREDNJA ŠKOLA)
3. REZULTATA POSTIGNUTIH NA PRIJEMNOM ISPITU (TESTOVI IZ BIOLOGIJE, FIZIKE I HEMIJE)
4. REZULTATA OSTVARENIH NA TAKMIČENJIMA IZ PREDMETA RELEVANTNIH ZA STUDIJ MEDICINE (BIOLOGIJA, FIZIKA I HEMIJA)
5. ODLIČAN (5,0) USPJEH IZ SVIH NASTAVNIH PREDMETA I PRIMJERENO VLADANJE U TOKU CJELOKUPNOG SREDNJOŠKOLSKOG OBRAZOVANJA

/1/ Način bodovanja po osnovu općeg uspjeha određen je članom 3. *Odluke o kriterijima i mjerilima za utvrđivanje redoslijeda prijema kandidata za upis u prvu godinu prvog ciklusa studija na Univerzitetu u Sarajevu u akademskoj 2017/18. godini.*

Maksimalan broj bodova: 20

/2/ Način bodovanja po osnovu uspjeha iz pojedinih predmeta, značajnih za odgovarajući studijski program utvrđuje se tako da se prosječna ocjena iz grupe ovih predmeta zaokruži na dvije decimale i pomnoži sa 8.

Maksimalan broj bodova: 40

Spisak predmeta značajnih za studij medicine

1. Biologija
2. Fizika
3. Hemija
4. Maternji jezik (*prema Članu 2. Odluke o kriterijima Univerziteta u Sarajevu*)

/3/ Način bodovanja po osnovu uspjeha postignutnog na prijemnom ispitu:

Spisak predmeta značajnih za studij medicine iz kojih se polaže prijemni ispit

1. Biologija
2. Fizika
3. Hemija

Maksimalan ukupan broj bodova: 40

/4 i 5/ Vrednovanje rezultata ostvarenih na takmičenjima iz predmeta relevantnih za studij i vrednovanje ODLIČANOG (5,0) USPJEHA IZ SVIH NASTAVNIH PREDMETA I PRIMJERENOG VLADANJA U TOKU CJELOKUPNOG SREDNJOŠKOLSKOG OBRAZOVANJA“, određen je članom 6. i 7. *Odluke o kriterijima i mjerilima za utvrđivanje*

*redosljeda prijema kandidata za upis u prvu godinu prvog ciklusa studija na Univerzitetu u Sarajevu u akademskoj 2017/18. godini.*

Obavijest o periodu upisa primljenih kandidata bit će naknadno objavljena.

Sve detaljne informacije mogu se dobiti u Službi za nastavu i naučno-istraživački rad Medicinskog fakulteta u Sarajevu.

**V. D. DEKANA**

**Prof. dr. Amela Kulenović, s.r.**